

মৃগাঙ্কবাবুর ঘটনা




**story,
SATYAJIT RAY**

**illustration,
DIBYENDU KHAN**

**a project by,
DIBYENDU KHAN
166450008**

**under guidance of,
Prof. G.V.SREEKUMAR**

মৃগাঙ্কবাবু তাঁর সহকর্মী সলিল বসাকের কাছে থেকে প্রথম জানতে পারলেন যে বাদর থেকে মানুষর উদ্ভব হয়েছে। এ খবর আজকের দিনে শিক্ষিত লোকমাএই জানে, কিন্তু ঘটনাচক্রে খবরটা মৃগাঙ্কবাবুর গোচরে আসেনি। আসলে তাঁর জ্ঞানের পরিধিটা নেহাতই সংকীর্ণ। ইস্কুলে মাঝারি ছাএ ছিলেন, পাঠ্যপুস্তকের বাইরে কোনও বই পড়তেন না, পরেও বই পড়ার অভ্যাসটা একবারই হয়নি।



বলেন কী মশাই।
তাজ্জব ব্যাপার;
বাদর থেকে
মানুষ হয়েছে?



ঠিক তাই, লক্ষ লক্ষ বছর আগে মানুষ ছিল এক শ্রেণীর চতুষ্পদ বাদর। বাদর জাতটা অবিশ্যি এখন ও আছে, কিন্তু যে শ্রেণীর বাদর থেকে মানুষের উদ্ভব হয়েছে সে শ্রেণী লোপ পেয়ে গেছে।

মৃগাঙ্কবাবু এবং সলিলবাবু দু'জনই হার্ভিঞ্জ ইন্ডিয়া কোম্পানিতে কেরানগিরি করেন। মৃগাঙ্কবাবু বাইশ বছর হল কাজ করছেন, আর সলিল পনেরো; দু'জন পাশাপাশি টেবিল বসেন, তাই একটা বস্তু গড়ে উঠছে, না হলে মৃগাঙ্কবাবু মোটাই মিশুকে লোক নন।

বাঁদর থেকে মানুষ হওয়ার খবরটা মৃগাঙ্কবাবুর মন গভীরভাবে রেখাপাত করল। তিনি কলেজ স্ট্রীটে বইয়ের দোকান খেটে একটা বিবর্তনের বই জোগার করে পড়ে ফেললেন। সলিল ভুল বলেনি। ছাপার অক্ষরে তথ্যটা দেখে মৃগাঙ্কবাবু আর সেটা উড়িয়ে দিতে পারলেন না। আশ্চর্য- বাঁদর থেকে মানুষের আসত এত লক্ষ বছর লেগেছে! আদিম অবস্থাটা, এবং পরিবর্তনের ব্যাপারটা এখনও কিছুটা অন্ধকারে রয়েছে, তবে এ- ব্যাপারে প্রাণিবিদরা গবেষণা চালিয়ে যাচ্ছেন। মানুষ ও বাঁদর, এই দুই-এর মাঝামাঝি অবস্থাকে যে বলা হয় মিসিং লিঙ্ক, এ খবরও মৃগাঙ্কবাবু জানলেন।



কিন্তু এতই মৃগাঙ্কবাবুর আশা মিটল না। তিনি প্রথমে জাদুঘরে গেলেন আদিম মানুষের মূর্তি আর তার হাড়গোড় দেখতে। দেখে বুঝলেন যে, আদিম দ্বিপদ মানুষের চেহারার সঙ্গে বাঁদরের চেহারার বিশেষ মিল ছিল।



তারপর মৃগাঙ্কবাবু গেলেন চিড়িয়াখানায়। সেখানে অনকক্ষণ ধরে মনোযোগ দিয়ে দেখলেন। এক হল লেজবিশিষ্ট ‘মাক্ষি’, আর আরক হল লেজবিহীন ‘এপ’। এর মধ্যেও নানারকম শ্রেণী। দিশি বাদর আর হনুমানের বাইরে রয়েছে আফ্রিকার গোরিলা, শিম্পাঞ্জি, বেবুন ইত্যাদি, আর তা ছাড়া আছে সুমাত্রার ওরাং বা বনমানুষ। এই যে মানুষ কথাটা জুড়ে দেওয়া হয়েছে এটা মৃগাঙ্কবাবুর কাছে খুব অর্থপূর্ণ বলে মনে হল।



তঁার আরও মনে হল যে, সবরকম বাদরের মধ্যে আফ্রিকার শিম্পাঞ্জির সঙ্গেই মানুষের সবচেয়ে বেশি মিল। শুধু তাই না, একটি শিম্পাঞ্জি তো মৃগাঙ্কবাবুর সম্পর্কে বিশেষ কৌতুহলী বলে মনে হল। বারবার তঁার দিকে চাওয়া, এগিয়ে এসে খাঁচার শিক ধরে দাঁড়িয়ে তঁার দিকে চেয়ে মুখভঙ্গি করা, এমনকী দাঁত বার করে হাসা পর্যন্ত। মৃগাঙ্কবাবুর মনে হচ্ছিল যেন জানোয়ারটিকে তিনি অনেক দিন ধরই চেনেন।



চিড়িয়াখানায় ঘন্টাখানক কাটিয়ে বাড়ি ফেরার পথে মুগাঙ্গবাবুর হঠাৎ কালুমামার কথা মনে পড়ে গেল, মুগাঙ্গবাবুর যখন বছর পঁচিশেক বয়স তখন কালুমামা একবার কিছুদিনের জন্য তাদের বাড়িতে এসে ছিলেন।



তখন তিনি মুগাঙ্গবাবুকে মর্কট বলে সম্বোধন করতেন।

এই মর্কট, মোড়ের দোকান থেকে সিগারট আন তো।



মুগাঙ্গবাবু একদিন না জিজ্ঞেস করে পারেননি।

আচ্ছা কালুমামা, তুমি আমায় মর্কট বলে কেন?



কালুমামার উত্তর দিতে সময় লাগেনি।

তোমার চেহারাটা মর্কটের মতো তাই। আয়নায় নিজের মুখ দেখও বুঝতে পারিস না? কপাল ছোটো, কুতকুতে চোখ, নাক আর চোখের মাঝখানে এতবড় ফাঁক-মর্কট বলব না তা কী বলব? তোমার হাতের আংটিটায় যে 'এম' লেখা রয়েছে সেটা আসলে মুগাঙ্গ নয়-ওটা মর্কট। অথবা মাঙ্কি। তোমার আর চাকরি খুঁজতে হবে না- চিড়িয়াখানায় খাঁচায় তোমার জন্য ভেকেন্সি রয়েছে সবসময়।'



মুগাঙ্গবাবু অবিশ্যি এর পর আয়নায় নিজের চেহারাটা খুব ভাল করে দেখেছিলেন। কালুমামা খুব ভুল বলেননি। একটা বাঁদুরে ভাব আছে বটে তার চেহারার মধ্যে।

তখন মনে পড়ল ইঙ্কলেও মহেশ স্যার তাকে 'এই বাদর, তোর বাদরামা থামা' এই জাতীয় কথা বলে ধমক দিতেন। তখন মৃগাঙ্কবাবুর বয়স বারো-তেরো। নিজের চেহারা যে বাদরের মতো হতে পারে এ খেয়াল তার হয়নি।

এই বাদর, তোর বাদরামো থামা



শুধু মুখে নয়, পিঠে একটা কুঁজো ভাব, তার শরীরে লোমের আধিক্য- এ দুটোও তাকে কিছুটা বাদরের কাছাকাছি এনে দেয়। সলিলের কথাটা আবার মনে পড়ল। সুদূর অতীতে যে বানর থেকে মানুষের উদ্ভব হয় তার কিছুটা ছাপ এখনও মৃগাঙ্কবাবুর চেহারায় রয়ে গেছে। চিন্তাটা তাকে বিব্রত করতে লাগল।



আপিসে টাইপ করতে করতে মনে হয়-আমার মধ্যে বিবর্তন পুরো হয়নি, আমার মধ্যে খানিকটা বাদর এখনও রয়ে গেছে। কিন্তু পরক্ষণেই মনে পড়ে - বাদর কি আপিসে ডেস্কে বসে টাইপ করতে পারে? তার চহারার সঙ্গে বাদরের যেটুকু সাদৃশ্য সটা সম্পূর্ণ আকস্মিক। সেরকম তো অনেক লোকের চেহারার সঙ্গেই তো জানোয়ারের মিল আছে। অ্যাকাউন্টস ডিপার্টমেন্টের সুরেশবাবুর মুখের সঙ্গে তো ছুঁচোর আশ্চর্য সাদৃশ্য। মৃগালবাবু ষোলা আনাই মানুষ। এ নিয়ে কোনো সন্দেহ প্রকাশ করার কোনো কারণ থাকতে পারে না।



এরই মধ্যে একদিন মুগাঙ্কবাবুর খেয়াল হলো যে তিনি কলা আর চিনেবাদামের বিশেষ ভক্ত। আপিস থেকে ফেরার পথে রোজই দুটোর একটা কিনে খান। আর এ দুটোই হলো বাদরেরও প্রিয় খাদ্য। 'এই বাদর তুই কলা খাবি? জয় জগন্নাথ দেখতে যাবি?'- ছেলবলার এই ছড়াটা তার মাথায় ঘুরতে লাগল। এই মিলটাও কী আকস্মিক? নিশ্চয়ই তাই। কলা তো অনেকেই খায়, আর চিনেবাদামও খায়। মুগাঙ্কবাবু চিন্তাটা জোর করে মন থেকে দূর করে দিলেন। কিন্তু যতই স্বাভাবিক হওয়ার চেষ্টা করুন না কেন, মুগাঙ্কবাবুর চিন্তাটা কিছুতেই যেতে চায় না।



বাদর থেকে মানুষ... বাদর থেকে মানুষ... আমি কী তাহলে পুরোপুরি মানুষ হইনি? আমার মধ্যে কী বাদরত্ব খানিকটা রয়ে গেছে?



টাইপিং এ ভুল হতে লাগল, আর এবার মেজোসাহেবের কাছ থেকে ডাক পড়ল।

আপনার কী হয়েছে বলুন তো?’ আগে তো আপনার টাইপিং-এ ভুল থাকত না। আজকাল এটা হচ্ছে কেন?



কদিন শরীরটা একটু খারাপ হয়েছিল স্যার।




তা হলে ডাক্তার দেখান। আপিসের ডাক্তার তো রয়েছেই। ডাঃ গুপ্তকে বলুন।



না স্যার। তার দরকার হবে না। আর ভুল হবে না, আমি কথা দিচ্ছি। আমার ত্রুটি মাফ করবেন স্যার।

মেজোসাহেব মৃগাঙ্কবাবুর কথা মেনে নিলেন, কিন্তু মৃগাঙ্কবাবু নিজে মনে শান্তি পেলেন না। তিনি ডাঃ গুপ্তর শরণাগম হলেন।


আমায় একটা কৈনও ওষুধ দিন তো, যাতে আমার
অন্যমনস্কতা কিছুটা কমো। কাজে বড় অসুবিধা হচ্ছে।



আপনার চেহারাটাও দেখে
ভাল লাগছে না।
আপনার ওজন কমছে,
চোখের তলায় কালি
পড়ছে। শুধু ওষুধে তো
কাজ হবে না। আপনার
ছুটি পাওনা আছে ?



তা আছে। আমি গত
দু'বছর ছুটিই নিইনি।




তা হলে দিন সাতেকের ছুটি নিয়ে কৌথাও ঘুরে আসুন।
আপনার চৈঞ্জের দরকার। অবিশ্যি আমি একটা ওষুধ
লিখে দিচ্ছি, কিন্তু ওষুধে কাজ হব না।

মৃগাঙ্কবাবু দশদিনের ছুটি নিলেন। কাথায় যাওয়া যায়?

কাশীতে তাঁর এক খুড়তুতো ভাই থাকেন। চৌষাট ঘণ্টার উপরের বাড়ি। চব্বিশ ঘণ্টা গঙ্গার হাওয়ায় উপকার হবার সম্ভবনা আছে। ভাই মুগাঙ্কবাবুকে অনেকবার যেতে লিখেছেন, কিন্তু যাওয়া হয়ে ওঠেনি। মুগাঙ্কবাবু কাশীই যাওয়া স্থির করলেন।



কাশীতে যে চতুর্দিকে এত বঁাদর সেটা মুগাঙ্কবাবুর খেয়াল ছিল না। রাস্তায় ঘাটে বাড়ির ছাদে গাছের ডালে মন্দিরের গায়ে সর্বত্র বঁাদর। ভাই নীলরতনকে বলাতে তিনি বললেন,



এখানে কী বঁাদর দেখছেন! চলুন আপনাকে দুর্গাবাড়ি দেখিয়ে আনি। বঁাদর কাকে বলে বুঝতে পারবেন!

ভাইয়ের সঙ্গে দুর্গাবাড়িতে গিয়ে মৃগাস্ববাবুর চক্ষু চড়ক
গাছ হয়ে গেলা। ফটক দিয়ে চরে ঢুকতেই প্রায় পঞ্চাশ-
ষাটটা বাদর দিক থেকে ওদিক থেকে ছুটে মৃগাস্ববাবুকে
ঘিরে ধরল-তাদের কিচির-মিচির শব্দে কান পাতা যায় না।



দাঁড়ান-চিনেবাদাম
কিনে আনি

আশ্চর্য এই যে, বাদরের মধ্যে পড়েও মৃগাস্ববাবুর অসোয়াস্তি লাগছিল না। এসব বাদর
যেন সকলই তাঁর চেনা! অনেকেদিন বহু আপনজনের মধ্য এসে পড়েছেন তিনি।

নীলরতন একটা ব্যাঞ্চে চাকরি করেন। মৃগাক্ষবাবু দূর্গাবাড়িতে গিয়েছিলেন কাশী আসার তিনদিন পর। পঞ্চম দিনে তিনি প্রথম অনুভব করলেন যে তিনি কথা বলার সময় খেঁই হারিয়ে ফেলছেন। তাঁকে বারবার 'ইয়ে' বলতে হচ্ছে। অতি সহজ সাধারণ বাংলা কথাও তিনি ভুলে যাচ্ছেন।

মৃগাক্ষদা, আজ দশাশুমেধ ঘাটে ভাল কেতন আছে। আমি আপিস থেকে ফিরে তোমায় নিয়ে যাব।

মৃগাক্ষবাবুর কানে 'কেতন' কথাটাও কেমন অচেনা মনে হলো।

কোথায় যাবার কথা বলছিস?

দশাশুমেধ ঘাটা যাবে?

ইয়ে- দশা-দশাশুমেধ ঘাটা।
কেন? সেখান কী আছে?

বললাম যে-
আজ সন্ধ্যায়
ভাল কেতন
আছে। তোমার
খুব ভাল
লাগবে। তুমি
তো কেতনের
খুব ভক্ত ছিলে।


ও- কেতন। ইয়ে-
তা যারা করবে
কেতন তারা
মানুষ তো?

এ আবার কী কথা মৃগাক্ষদা-
মানুষে ছাড়া কী বাদরে
করবে নাকি কেতন?

ইয়ে-মানুষ তো মানে,
এককালে বাদরই ছিল।

যাঃ, তুমি বড়ো আজ্জবাজে বকছ,
মৃগাক্ষদা। এ ধরনের রসিকতা ভালো
লাগে না। আমি চলি আপিসে। সাড়ে
পাঁচটায় এসে তোমাকে নিয়ে যাবো।

সন্ধ্যায় নীলরতনের সঙ্গে কীর্তন
শুনতে গিয়ে মুগাঙ্কবাবু একটা
আশ্চর্য জিনিস অনুভব করলেন।
তাঁর বারবার মনে হতে লাগল
যেন বাদরের দলই খোল
করতাল বাজিয়ে গান গাইছে।
এ এক অদ্ভুদ অভিজ্ঞতা।



কীর্তন থেকে ফিরে এসে খাওয়াদাওয়া
সেঁরে নীলরতন বললেন যে, তাকে
একবার মাখবাবুর কাছে যেতে
হবে বাঙালীটোলায়।



আধঘন্টার মধ্যেই ঘুরে আসছি,
মুগাঙ্কদা। আমার হোমিওপ্যাথিক
ওষুধটা ফুরিয়ে গেছে। উনি
ডাক্তার-নিজেই ওষুধ বানিয়ে দেন।

নীলরতন চলে যাবার পর মুগাঙ্কবাবু বুঝতে পারলেন যে, তাঁর একবার বাদরের মতো হেঁটে দেখতে
ইচ্ছা করছে। খাটের পাশে মেঝের ওপর উপর হয়ে সামনের হাত দুটাকে পায়ের মতো ব্যবহার করে
মুগাঙ্কবাবু ঘরে কয়েকটা চক্র মারলেন। বার চারেক চক্র খাবার পর ঘরের দরজায় চোখ পড়তে দেখলেন
নীলরতনের চাকর রামলাল চোখ ছানাবড়া মুখ হা করে চৌকাঠের ঠিক বাইরে দাঁড়িয়ে রয়েছে।




ইয়ে- অত অবাক হবার কী
আছে? কাশিতে থাকিস আর
বাদর দেখিসনি কখনও?



রামলাল কিছু
না বলে ঘরে
টুকে বিছানা
করতে লাগল।








দুদিন পরে মৃগাঙ্কবাবু কলকাতা ফিরে এলেন। হাতে স্টুটকেস নিয়ে হাজরা লেনে তার বাড়িতে ঢুকতেই সামনে চাকর দাসরথি পড়ল।



বাবু ফিরেছেন?
সব মঙ্গল তো?



হুপা!



কাশিতে খুব বীদর-
না বাবু? আমি একবার
গেসলাম ছেলেবেলায়।



হুপা!

এই ঘটনার চারদিন পর কলকাতার সব খবরের কাগজেই খবরটা বেরোল। চিড়িয়াখানার একজন কর্মচারি গতকাল ভোরে শিম্পাঞ্জির খাঁচার সামনে মাটিতে একটা বাদর শ্রেনী জীবক পড়ে থাকত দেখে। জনোয়ারটা ঘুমাচ্ছিল। বোধ হয় মাঝরাতিরে পাঁচিল টপকে ঢুকেছে। চিড়িয়াখানার সুপারিন্টেন্ডন জানিয়েছন এই শ্রেনীর বাদর আগে দেখা যায়নি। ঘোড়া ও গাধার সংমিশ্রনে যেমন নতুন জনোয়ার খচ্চরের সৃষ্টি হয়, এও হয়তো দুই শ্রেনীর বাদরের সংমিশ্রনে সৃষ্টি একটি নতুন প্রানী। প্রানীটি বেচে আছে- এবং বাদরের মতোই ছপ হাপ কিচির মিচির শব্দ করছে।

সবচেয়ে আশ্চর্য যে বাদরটির বাঁ হাতের অনামিকায় একটি আংটি পরানো- তাতে নীলের উপর সাদা দিয়ে মিনে করে লেখা ইংরিজি অক্ষর 'এম'।





